

陳恭介公文集

陳恭介公文集序

恭介陳公清貞端簡事

今上為名臣未竟而薨天下惜之鄒子元標  
敬致書公猶子二守及公冢嗣國學君曰  
尊先生公一代名碩幸謹護遺編為不朽  
計二君曰先公策名宦途強半林壑自耕  
稼外惟捷關手一經上下千古即隆冬盛

暑吾伊不休其所排績不匠心不止顧家  
遭鬱攸散失無存所存者寥落亦不足傳  
予曰夫龍瑞于世者得其一鱗一甲亦足  
以為光見珍于世而何以博為公子始從  
故簾中得疏及序記碑誌銘若干首付鄒  
子校讐予受而卒業其文沉深奧郁出入  
先輩思與古作者齊軌公殆馳騁藝苑非

苟作者然公之傳者非文也公精品鑑身  
都海宇重望者二十餘年齟齬權奸晚而  
遇

主俾公統均四海儻公得一意行其志將見群  
賢彙征品物咸亨天下至文莫大於是而  
左繫右維啓事登進一切報罷俄而掌銓  
俄而待罪俄而辭印俄而解綬俾公一段

以人事君熱念債僊無所舒洩讀公疏者  
能不重有感乎

國朝冢卿爛然功實者王文端憲忠定王忠  
肅馬端肅是時六卿時得召見內無壅蔽  
外無阻隔故得以發舒生平邇來如宋莊  
敏孫清簡公與蔡奉新志在報國與王憲  
諸公何殊迺多所違忤皆不得席煖去鳴

呼撫公卷又可以觀世矣然吾聞大臣在  
正色立

朝不與時高下苟吾衡之不繆一日百年一  
息萬言公與諸君子矚然不屈不撓之節  
即起王蹇諸君子比德繫功何後先焉此  
又讀公集者所當知也

皆

萬曆壬寅歲孟冬月吉水舊治通家晚生鄒  
元標頓首拜撰

陳恭介公文集序

今之以文集行世者不啻汗充矣顧擊斝  
為三而實際或眇即藉圭璧而組玄黃乎  
要無當於說鈴和鼓毋惑乎說者以息功  
與言遍而為三若鼎據然不可混一為在  
乎以文行世也恭介陳公姚江名家弱冠  
有志聖賢之學人業以公輔相期待公起



家進士歷銓曹陟卿貳開府豫章尋拜冢  
宰為六卿長其碩德重薦紳濺澤溢坎塹  
懋樹表

朝端區區文章其剩技爾公泊世味告請無  
虛歲不得已間有著述其論序之秩然理  
詩賦之翩然庶銘誅之咸當實不諱也邈  
一切輦悅之功而直依名理蓋彰彰乎有

德之言已廼其大者猷猷在奏疏如卽銓  
曹時有議格朱希忠封王疏則豪權視魄  
矣開府時有請免燒造難成疏抹荒疏則  
窮竈載甦而溝瘠復肉矣冢宰時有正銓  
叙諸疏則品汰一清矣尋有乞身十餘疏  
則引裁大義秋旻公高而金石爭契矣等  
言耳公匪公正不發憤匪關地方大利病

此身大節槩不敵詞則公固不徒立言之  
言而并德與功混而一之儻云天下文章  
莫大乎是公其有焉歟念公當日棘荒疏  
上本為豫章民請命而言者反用此相齟  
齟公脫從不復問曾無何而起佐留臺無  
何而晉天卿輿論大慶謂正臣要津

國家元氣裨益匪淺即

當宁亦重知異公而大用公廼公當種用而  
卒不久用至

溫綸憫留數四而去國之轍曾不少回今讀  
其疏難進易退之撻敵凜然足廉頑而起  
懦焉公蓋湛精道德高眎塵寰即縈名且  
將敬帝而謂區區以文章行世豈公之心  
哉公生平著作此不當什之一以祝融阨

量留一斑已高出作者之林萬萬夫以文章為公剽技天若忌公且不令盡傳布況公出處久速之際

宗拓生靈與之相重輕寧無所以嘿司之公留有餘不盡者還之造化而以其不朽者垂之百千萬年今古完人鮮其儼矣余生也晚企公德行文章寧唐山斗幸以子岷

故一奉晉接於豫章卽南曹載承手裁於  
秣陵復用考成上績書於天官部而公猶  
子裕庭公尋貳余郡益殫家訓而光大之  
冰操春日令葦日望豫章民見公來如復  
見恭介公且不以余小子相鄙夷兩世通  
家雖不嫻於詞亦願効執鞭之一端也不  
揣敢為之引其端

賜進士第雲南布政使司叅議前南京兵部  
武庫司郎中治下晚學生張璧頓首拜撰

陳恭介公文集目錄

卷一

奏疏

送幼子還鄉疏

中途患病疏

患病不能供職疏

議覆成國公朱希忠卹典疏

羸病頻仍不能供職疏

議覆刑科給事中阮子孝疏

有俟款



議覆刑科給事中陳璧疏

有條款

議覆吏科都給事中齊世臣疏

有條款

比例補廕疏

議覆南贛巡撫張岳疏

議覆右通政陳瓚疏

遵旨議處  
欽降官員事疏

議覆給事中楊廷相疏

有條款

議覆兵科給事中張惟新疏

議覆浙江巡撫溫純疏

議覆吏部鄒元標疏

議覆工科給事中張棟疏

卷二

奏疏

欽奉 聖旨事疏

有開款

酌議軍餘丁差以甦疲累事疏

仰遵德意請留補蠲以濟重困以備來艱事疏

鄰境巢賊就擒恭報地方寧靜事疏

地方重大水灾事疏

卷三

奏疏

欽奉 聖諭事疏

燒造艱難懇乞 聖明軫念特免十分難成

瓷器以甦困苦事疏

開有款

遵例勘報江右異常水灾并乞

聖恩破格

優恤急救一方生命事疏

遵 祖制復舊學以興人才事疏

止無益之作指不費之惠以濟重困事疏

仰遵 明旨議處不及縣正官負以消災沴  
以全器使事疏

恭謝 天恩事疏

撫綏無狀天時人事種種可虞等事疏有款

## 卷四

奏疏

鄰境宿寇蕩平議處地方善後事宜疏有款

姦徒借饑聚搶隨時擒定查叅失事官負疏

遵例具報地方水灾并 請破格蠲賑疏

申飭吏治量免有司朝覲以救遺民以固

地方事疏

操江歲終舉劾文武官員疏

叅按臣疏

辨假餽疏

辭吏部侍郎疏

自陳不職疏

南院掾吏部司官疏

南院乞病疏

卷五

奏疏

辭南吏部尚書疏

陞南京吏部尚書謝恩疏

辭吏部尚書疏

再辭吏部尚書疏

叅新選臺臣疏

再推鄒元標疏

一乞罷疏

二乞罷疏

三乞罷疏

四乞罷疏

五乞罷斥并查舉待罪司屬疏

六乞罷疏

辭分猷疏

一乞休疏

二乞休疏

三乞休疏

四乞休疏

五乞休疏

六乞休疏

七乞休疏

八乞休疏

九乞休疏

十乞休疏

十一乞休疏

十二乞休并辭印務疏



十二乞休疏

十四乞休疏

得請病謝恩疏

予病告辭疏

卷六

序

贈龍潭鍾年丈泉州節推序

贈惺字張年丈尹光山序

贈斗城凌年丈之南安節推序

贈錢懷白驛宰序

送小峯李年丈令歸安序

送陳民秀出守臨江序代作

贈海陬陳君守臨江序

送楊質甫擢守西安序

贈毛石隣臨清經歷序

贈胡南橋武平尉序

贈邵環渠簿太湖序

贈溧水簿劉繼崖獎序

贈彭侯入覲序

贈次岩陳侯遷南刑部郎序

賀馬侯考績膺薦序

賀楊侯考績榮封序

同年錄序

代作

正德戊辰年家會錄序

代作

壽少司徒南岷王老先生六秩序

壽徐照峰六十序

壽越湖邵先生八十序

壽陳西巖七十序

壽陳西巖八十序

壽見山陳先生八十序

壽大司馬見海翁公八十序

壽任王母錢大孺人九十序

壽夏王母孺人八十序

贈盧恭人六十序

贈盧恭人七十序

贈朱母周孺人六十序

贈陳母王孺人七十序

壽少傅渠翁呂相公八十序

壽徐大母鍾大孺人八十序

贈楊淑人六十序

壽南石徐大翁八十序

卷七

記

三種樓記

餘姚縣學田記

吏部考功司題名記

傳

徐聘名傳

徐貞娥傳

二貞傳

邵節婦傳

跋

朱貞石巡行清詠冊跋

聘啓

聘夏懷軒女

復胡之果

復趙憲吾

復徐南軒

復邵瀛山

復鄒肖巖

聘周心吾孫女

聘徐竹軒女

代伯兄

卷八

墓表

銅陵令陳見山墓表

墓誌

太學生漸所周公誌銘

文林郎北城兵馬司副指揮近齋劉公誌銘  
贈文林郎大常寺博士南河雷公暨配封大

孺人韓氏合葬誌銘

代作

處士持齋陳公誌銘

敕封安人趙氏誌銘



行狀

刑部左侍郎邵公行狀

承直郎鎮江府通判立齋劉公行狀

大中大夫湖廣右叅政紫墩陳公行狀

封奉直大夫蘄州知州徐公行狀

伯兄署正公暨嫂張碩人行狀

鍾太孺人行狀

邵宜人張氏行狀

封宜人陳母趙氏行狀

行實

先考正議大夫都察院右副都御史省齋陳  
公行實

先妣唐大淑人行實

卷九

祭文

祭年祖徐東城公文

祭中丞周觀所公文

祭少司寇東橋楊公文

祭封都御史穴湖邵公文

祭憲副芝南徐公文

祭封祠部郎中龍巖鄒大翁文

祭通府懷雪胡公文

祭嶺峯周先生文

祭內兄愧和邵公文

祭方塘楊公文

祭二兄文

刑部祭陳太淑人文

同鄉祭陳太淑人文

祭陳太淑人文

祭劉太夫人文

祭



淑人文

祭大外母徐太孺人文

祭朱太恭人文

祭邵宜人文

祭周太淑人文

祭外母薛孺人文

祭趙太夫人文

祭鄒大親母丁太夫人文

祭翁親母蔣夫人文

祭鄒親母陳宜人文

祭內弟徐長君文  
祭大外父南石翁文

詩

七言律詩

得請東歸

中秋雨漲新落小集遲月不見次仲兄韻

丙申元旦 二首

外舅徐翁年七十有一禪後逢生因謝戚屬  
不聽上壽不佞違焉輒詠其事以明盛德  
次翁第五丈禪日有感韻

徐五丈禪日有感作詩寄示次韻奉荅

次慰徐三丈禪除

讀歐圭齋比干墓詩有感次韻 二首

新正次仲兄韻

六日大雪次前韻

九日立春晚晴再次前韻

穀日宿陰寒甚戲作

送外舅徐翁北上

送徐翁還任攸縣

送贈沈繼山

丁酉元旦

東歸避客登蘿岩次抵家有感韻

蘿岩雪行

送友

三首

送吳梅閣

村居即事

贈翁海華

秋日漫賦

真江阻風用韻漫賦四首

得請初歸

五言律詩

送

姪繇讀書山中報梅花新開次韻示

談間再次三韻



蘿岩雪霽

寄葛公旦次韻

又

寄葛玉濱

壽張懷泉七十

人日雪霽

除夕早寐

除集憶兄

隣哭二首時予有三殤之痛

聞雞有感二首

辛未元旦甲子二律

秋日園居四首

登樓有懷

七言絕句

贈翁海華

元旦憶兄二首

雪二首

秋意四首

贈友

送黎尉之旧曲并懷雲五李年丈

贈上虞令貞石朱侯四首

古風

題王繼山老子騎牛

三首

蘿岩即景

四首

滕王閣

四首

六十初度寓蘿岩山中作

七言排律

贈邵星瀛先生得子八韻

登蘿岩清隱院次韻

葛公旦陳思恭過訪蘿岩次壁間險韻有引

五言排律

臘雪包二弦中更春候不止志感四十二韻

哭三殤七十韻

贈徐封翁

送胡懷雪署篆姚江還郡

卷十

書

與蔣日峰

與任雲門

與周觀所

與吳見輿

與楊完愚

與邵和齋

與嶺峯周先生

與蔣日峰

與周養吾

與楊完愚

與諸龍田

與郭性菴

與史蕙津

與吳見輿

與費康衢

與周觀所

答吳見輿

答費唐衢

與周養吾

與申瑤泉

答星瀛邵先生

答吳見輿

答項少溪

與姜明岳

與陶念齋

與朱龍宇

與譚敬所

與王南溟

與溫一齋

與傅慎所

與劉節齋

與王松屏

與王笠洲

與屠冲陽

與王鵬江

復郭華溪

復周三泉

復王古林

與方新渠

與歐崙山

復張敬齋

復范繼川

復舒中陽

答李漸菴

答王古林

答孫蜃川

答顧涇陽

答黃思菴

答史繼峯

答劉鳳坪

答馮清宇

答葉龍潭

與徐中臺

與項少溪

答周三泉

復張弘軒

與胡二溪

與陳靜菴

卷十一

書

復張嵒峽

復鄒南皋

與朱鑑塘

復鄒南皋

與翁見海

與曾見臺

與萬思默

答鄧定宇

答申瑤泉

答王荆石

與何心泉

與吳悟齋



答謝養和

與史繼峯

答胡雲屏

答楊止菴

與鄒南皋

又

答劉節齋

與吳韞菴

答葉玄峰

答朱脩吾

與趙定宇

與宋相江

與舒中陽

答沈蛟門

與政府冢卿

與茅鹿門

與葉玄峰

與葉霖宇

又

與郝少泉

與袁洪溪

與陳蓋齋

與葉龍潭

與甘紫亭

與曹嗣山

與寒理菴

與鄭崑巖

與蕭岳峯

與宋桐江

與蕭念渠

與葉龍潭

與呂新吾

與賈西池

與魏確菴

與蕭岳峰

與劉節齋

與魏確菴

與葉龍潭

與賈西池

與孫立峰

與賈西池

與沈繼山

與李晴原

與魏確菴

與張弘軒

與艾熙亭

與賈石葵

與王方麓

與舒中陽

與魏確菴

與徐魯源

與吳韞菴

與李克菴

與楊山林

與崔振峰

與楊夢山

與張弘軒

與成益齋

與邈少微

與艾熙亭

與陸五臺

與梁霖宇

與顧冲庵

與楊止菴

與許敬菴

與寒理菴

與徐陵陽

與高受所

與周寧宇

與饒行素

與李克菴

與周餘臺

與郝少泉

與沈鏡宇

與周鼎石

與葉龍潭

與朱鑑塘

與盛若華

與常心吾

與沈鏡宇

與王對南

與鄧定宇

與沈繼山

與座師秦華翁

與曹仰雲

與沈繼山

與賈西池

與吳平山

與臧理軒

與周懷魯

卷十二

書

與鄧定字

與梅衡湘

與王松屏

與孫月峰

與徐魯源

與王荊石

與楊意白

與李漸菴

與孫立峯

與曾見臺

與

與鄒南皋

與王荊石

與徐石樓

與馬弘衢

與張元冲

與徐念吾

與鄧定宇

與周耿西

與許敬菴

與王弘陽

與趙吉亭

與陳還樸

與柳賡虞

與周衛陽

與李漸菴

與外舅徐鳳山翁

與王弘陽

與趙南渚

與沈繼山

與郭希旂

與張仁軒

與蔡肖謙

與梅衡湘

與陳毓臺

與田東洲

與陸仲鶴

與陸葵日

與彭魯軒

與徐華陽

與李養愚

與顧冲菴

與朱鑑塘

與蕭鶴侶

與王方麓

與彭魯軒

與沈繼山

與張元仲

與沈蛟門



與鄒南皋

又

又

與馬虞生

與王荊石

與趙澱陽

又

又

又

與李克菴

與鄭崑岩

又

與李對泉

與孫立亭

與趙心堂

與四司諸公

與劉用齋

與曾見臺

與鄒南皋

與吳霞城

與王弘陽

與孫侯居

與劉用齋

與孫月峰

與王荊石

復張周田

與顧鯁山

又

附錄

夢紀

憶秦娥有序

陳恭介公文集卷之一

明餘姚心穀陳有年著

吉水南皋鄒元標校

萬載崑崙張璧同校

從子陳啓孫付梓

冢子陳啓端編輯

奏疏

○送幼子還鄉疏

刑部河南清吏司主事臣陳有年奏為比例懇乞

天恩給假送幼子還鄉以圖補報事臣原籍浙江紹興府餘姚縣人由進士除授前職臣妻邵氏自家前來於嘉靖四十三年三月二十七日至濟寧地方患傷寒病症身故隨報姪知痛思臣妻停櫬旅泊遺有七歲幼男乳乳無依況去家數千里不能自歸實為狼狽臣舐犢私情感愴難堪遂嬰鬱懣查得嘉靖四十一年本部湖廣司員外郎胡汝桂陝西司主事周汝惠皆以妻故乞恩給假送幼子還鄉荷蒙

聖慈並 賜憐允臣今與胡汝桂周汝惠事體相同  
情更迫切伏乞

天恩俯恤

勅下吏部查照前例容臣給假將幼子送還原籍托  
付親屬撫養臣即依限前來供職庶內顧無憂  
得以悉心圖報臣不勝激切祈望之至

○中途患病疏

刑部河南司主事臣陳有年謹 奏為中途患  
病不能赴職懇乞

天恩容令回籍調理事臣浙江餘姚縣人由進士除授前  
職至嘉靖四十三年四月二十一日臣具奏為比例  
懇乞 天恩給假送幼子還鄉以圖補報事奉  
聖旨吏部知道欽此隨該吏部查無違碍題奉

欽依准臣給假臣當赴順天府給引回籍本年九月  
間到家將幼子託母唐氏撫養訖尋依限起身  
赴部方辭家日臣母携幼子送臣就道曰身今  
八十老矣岳老別子柰何因泣下臣以烏鳥私  
情相顧感愴不能自抑自是日覺鬱懣沿途轉

劇至十一月二十八日前至丹陽縣地方痰火大作心怔忡不寧胸膈悶痛飲食漸少耳鳴目翬形神頓減訪醫診治皆云病由情出難以藥療臣聞之進退狼狽伏念際遇

明時荷蒙甄擢捐軀不足報塞寧敢圖便但臣病體實困大懼荏苒不支坐致殞越雖欲自效其道無繇故敢披瀝下情昧死以請伏乞

皇上俯恤臣私

勅下吏部察臣無他容臣暫回原籍調理倘臣得見

臣母安心醫藥積鬱稍除微命未畢則自今以往皆

皇上恩造之年臣之報效尚有日也臣不勝感激祈  
籲之至

○患病不能供職疏

吏部考功清吏司主事臣陳有年奏為患病不能  
供職懇乞

天恩容令回籍調理事臣浙江紹興府餘姚縣人由  
進士初授刑部主事旋調今職切自感激一介



微臣遭際

聖恩錄拔即指糜不足圖報豈敢言他但臣夙病痰  
火怔忡有觸輒發發輒困邇來忽得家報稱臣  
母唐氏在家常食大減神衰骨立臥病日殆臣  
聞之不勝驚惶念母今年八十有四矣臣幼孤  
無遺家難母手出臣急難中拮据教育憂勞異  
甚迨臣叨祿母老不能偕然尚強食示健督臣  
就道臣聊用以自寬力疾供職不謂此者母疾  
如報臣寔憂惶不自解致觸夙病陡劇怔忡大

作惕惕若妄有見聞者蒸熱眩暈心脾作疼獨  
伏枕旅舍中切思

國恩未報身廼若爾大懼病迷曠職一失圖報初  
心陷世大罰且母病思見子不遂病滋益即一旦  
桑榆之晷有不忍言者是臣進退無據空為名  
教罪人也臣益憂惶不自解愈憂愈病醫藥罔  
效曰患在心臣查得吏部驗封司主事許孚遠  
稽勲司主事周家皆以患病具奏蒙

恩放歸臣病視二臣寔同二臣之情宜未有如臣者

臣萬不得已敢以情

請伏乞

勅下吏部察臣無他查照前例准令回籍調理倘臣  
母得藉是少延而微臣亦幸未畢命異時感  
皇上再造之恩所以許身盡節者寧復顧餘生哉臣  
冒干

天威無任迫切祈籲之至

○議覆成國公朱希忠卹典疏

吏部一本為懇祈

天恩比例陳情乞

賜卹典以光泉壤以廣

聖澤事驗封司案呈本部

送吏科抄出太傅兼太子太傅錦衣衛掌衛事

後府左都督朱希孝奏

云

等因奉

聖旨吏禮二部知道欽此欽遵抄出到部送司查得

諸司職掌凡功臣歿後公進封為王侯進封為

公合封三代者照依追贈封爵一體進封其襲

爵子孫非建立奇功異能生死只依本爵又查

得正德十年該錦衣衛帶俸指揮同知張欽奏

稱故父英國公張懋歷事

五朝隨同討獲逆賊曹欽及提督操練效勞乞要追  
封王爵該本部議得張懋前項俱係本等職分  
似難追封題奉

武宗皇帝 聖旨還會官議了來說欽此隨該本部  
會同中府等衙門掌府事成國公等官朱輔等  
議得諸司職掌所載係

聖祖定制萬世所當遵守別難議擬題奉

武宗皇帝 聖旨恁每說的是但張懋歷事

累朝提督戎務效勞最久補益為多卹終之典禮  
宜從厚再會官議了來說欽此又該本部會同  
議得張懋於例不該追封如蒙憫恤或於本爵  
上量加翊衛宣力等項封號或於子孫中量加  
恩澤題奉

武宗皇帝 聖旨你每議的是但張懋自父祖以來  
功烈顯著他又歷事

累朝效勞最久每遇

朝廷大典禮大政事亦皆協恭議奏補益良多還

准追封王爵其餘酌罷欽此通查案呈到部看  
得後府都督朱希孝奏乞伊兄已故太師兼太  
子太師特進光祿大夫柱國成國公朱希忠卹  
典乞要比照英國公張懋事例追封王爵一節  
為照世爵追封以軍功為主具載

令甲至於歿後封王

朝廷名器於斯為極尤當慎重國家二百餘年  
軍功而王者止張懋一人耳然當張欽陳乞本  
部具覆初議以為不可及兩奉

會議舉朝持議以為不可最後奉

特旨追封非可為例今成國公朱希忠襲爵岳四十  
年事我

世宗皇帝則扈蹕督造効有勳勞逮事我

穆宗皇帝暨翊戴我

皇上登極皆恪恭厥職平生忠謹固足為多但不過  
際遇熙時效臣子職分之常未嘗勒奇偉於邊  
疆授艱鉅於戎馬生前被寵已足酬勞歿後論  
功輒難優異所據追封王爵揆之於例實非所



應臣等未敢輕議伏乞

聖裁

孱病頻仍不能供職疏

吏部驗封司署郎中事負外郎陳有年為孱病  
頻仍不能供職比例乞 恩容令回籍調理事  
職浙江餘姚人由進士歷任今職伏念一介豎  
儒幸蒙

國恩誤錄叨點清署恭際

聖明常矢及職未艾之年竭抒愚悃勉守職事以圖

涖埃稱塞柵職生而孱時時狗馬病形神蚤已  
罷蕭比自夏秋以來心脾舌疼咳吐痰血每夜  
蒸熱耳目瞶瞶伏枕五旬幸未即死力疾而起  
日俟痊候以漸畢所矢圖不意蒙冒風寒乘勞  
重損前病種發沉綿踰月漸就委頓實緣元氣  
素孱積不自恤侵尋及此懼先朝露且念以職  
之愚藉令無病猶恐曠失矧病頻仍何以自效  
職軀不足愛惴惴惧乏公家之務而重

清朝戮職查得稽勲司郎中減惟一曾以患病乞

歸呈蒙查照舊例代奏准放職之事體實與相同輒敢披瀝具呈伏乞俯賜查實照例奏

請容職回籍調理使得進進曠官之謹退遂歸骨之私職下情無任悚慄祈籲之至

議覆刑科給事中阮子孝疏

吏部一本題為偶因時事敬獻萬堯懇乞

聖明俯賜採納以重臺諫以光治理事吏科抄出

南京刑科給事中阮子孝奏前事云等因奉

聖旨優覆建言諸臣知道了其餘都說的是該部院

看議了來說欽此欽遵臣等會同都察院左都御史趙錦等看得南京刑科給事中阮子孝條陳五事除建言諸臣乞賜優處一款已蒙聖心簡在容臣等查酌優叙無容再議外其言官心術乞賜鑒別等四款均於時政有裨合就開列前件議擬上

請定奪緣係云云事理謹題請

旨

計開

一言官心術乞 賜鑒別

前件看得

國家慎選科道寄之言責與諸曹異故品諸曹務  
覈其事品科道務察其言大都劬節者言多直  
亦或托之乎劬節以行其私乎氣者言多巽亦  
或托之乎平氣以售其媚故建言匪易知言亦  
難臣等良不敢不加之意也今給事中阮子孝  
極陳邪正當察關係不小欲臣等詳察諸臣章  
奏其見最違臣等誠闇分當益竭愚衷諦觀諸

疏矢不敢以成心有痼亦不敢以私見窺人言  
苟為

國無論直與皆稱蓋臣言苟為身無論直與皆為  
邪說然寧過而取直毋寧過而取與則臣等區  
區之意也伏乞

聖裁

一監場御史乞 賜選擇 此一條都察院具稿不錄

一撫按論劾所當詳慎

前件看得

國家立法懲貪日嚴且重一麗貪名追及

誥勅賍盈五百例率提問凡以為生民計至深也方  
今彈事時至計賍動逾例額微纏紛於道若  
五花狼藉於爐烟真者寔繁詎足寔惜設有少  
枉未足服人臣等每掩牘深思以為定例不可  
不嚴操簡不可不慎訪據不可不審徵事不可  
不明始論不可不難終勘不可不確先該都察  
院題覆推官王朝興賍罪緣由節奉

聖旨前有旨各撫按官訪有所屬官負惡跡或被告

許即便嚴提于証面審果有實跡方行論効近  
來各官通不遵行始則輕行論効以著風力終  
則模糊問擬圖了前件以致公道不明罪有枉  
縱今後再有這等的著吏部都察院從公查叅  
處治欽此已經通行查照施行去後今給事中  
阮子孝陳欲轉行撫按務加詳慎誠為有見合  
依擬申飭各直省撫按官念新例之加嚴論効  
必求實跡弗信風聞勘問必得真情勿泥先入  
倘訪委非人致枉人罪聽科道指實叅奏以憑



臣等查照議處伏乞

聖裁

一丁憂被論不當舉刺

前件看得撫按離任類有舉劾至于丁憂者卽  
恤方深更移情於品物被論者反躬不閱顧蒙  
垢以薦人本屬非宜豈能適當故候代法也候  
代而不舉劾義也先該吏科給事中劉祐題撫  
按官如有被劾考察革任致仕聽勘聽調等項  
不許更行舉劾已該本部議覆又該吏科都給

事中胡應嘉等題叅河南巡按養病御史熊迥  
該本部議今後撫按官負凡在地方未及半年  
有丁憂養病者俱不許一槩舉劾已經覆奉  
欽依通行外乃近更有冒昧違例如給事中阮子孝  
所陳者相應申明議飭合無今後撫按官但被  
論不拘罷降勘調聽用及丁憂雖係半年以上  
俱一體不許舉劾不特賢否無致倒置亦以養  
仁孝勵廉隅之一端也倘遇大計之年該省撫  
按官止有一員見在而見在者復有丁憂被論

事故若無舉劾則臣等部院何所憑據以為去  
留又有不可廢者但要在各官秉公從實勿市  
恩報怨及苟且了事又不在丁憂被論之例矣  
伏乞

聖裁

○議覆刑科給事中陳璧疏

吏部一本題為感時觸事敬陳愚衷以備

聖明採擇事文選等清吏司案呈奉本部送吏科抄

出刑科給事中陳璧題前事云等因奉

聖旨該部知道欽此查得謚法貴公等五事係隸別  
部掌行其起廢貴慎名實貴辦用舍貴斷三事  
該本部議覆案呈到部看得給事中陳璧條陳  
起廢貴慎等三事臣等合就開列前件議擬上  
請伏乞

聖裁緣係云謹題請

旨

計開

一曰起廢貴慎

前件臣等竊惟隆古盛治曰野無遺賢但用賢  
於師濟之時易用賢於播棄之後難蓋賢者之  
播棄大都由媚矣然其始也或不能無萋菲之  
言其久也或不免有衰遲之漸不用是使媚者  
計得也用之則慮睹影者之疑其後也是以難也  
國家頃遭權奸賢士紛紛去矣邇者

聖明幸察亟下求賢之令臺省撫按累牘而上所知  
臣等因得以欽承

德意博綜薦章而時酌叙以

請常懼闇陋失舉不足當

聖心今給事中陳璧條陳起廢貴慎正臣等所兢兢  
日慎者除品隲素定舉之不敢不先及年力鄉  
評有難臆決先經備行覈報外容臣等益加詳  
訪務審真才矢不敢假公器而徇私情亦不敢  
避私嫌而廢公舉其有飾善改節或非臣等之  
愚所能逆睹聽科道官指實叅奏以憑酌  
請去留歸於為清時得人而已伏乞

聖裁

二口名實貴辯

前件臣等竊惟虛名之病實自古患之矣

國家內外臣工毋慮數千百人稱不稱有考賢否  
有冊輿言有訪凡為數實具也顧皆昔人所稱  
耳目簿書云爾以是為不足定名實不可以是  
為足盡名實亦不可此憂國者之所公患也今  
給事中陳璧條陳名實貴辯最為識治之言臣  
等夙嘗慮此以為考覈查訪本部業已行之矣  
但其要在察之以虛持之以不驟蓋天下之以

實為名者二有卓犖而蚤有譽者察其實則不敢猜有沉篤而終有譽者察其實則不敢忽而其務為虛名者亦二有有所覲而赴者徐而察之久必輟有有所遁而依者徐而察之久必露蓋不能設謬巧於耳目簿書之外亦不敢置成心於耳目簿書之中課名程實以上下其論則臣等之責也至於流俗滋偽其原未易率弭恭候

命下本部備行內外衙門使知



清時意變以後宜一洗近名之習以脩敦實之政  
倘有躔舊飾華者或本部體訪或科道撫按糾  
劾不時酌

請究處伏乞

聖裁

三曰用舍貴斷

此一條考功司具稿不錄

○議覆吏科都給事中齊世臣疏

吏部一本為循職掌敬陳時宜以備

聖明採擇事吏科抄出都給事中齊世臣等題

云云

等因奉

聖旨閣臣會推已有旨了其餘的該部院看了來說  
欽此欽遵該臣會同禮部尚書沈鯉左都御史  
趙錦等看得吏科都給事中齊世臣條陳五事  
均於時政有裨臣等合就開立前件議擬上  
請伏乞

聖裁緣係

云

云

謹題請

請

請

請

旨

一曰遵會推之制

前件臣等省得會推大臣之制

累朝相承率為憲章

皇上登極以來未之有改乃比年登庸閣部間有不  
然者夫

祖制不可或失僉言不可或廢借曰偶一為之然且  
不可況此端一啓萬一踵為故常銓臣不得效  
其職列卿不得關其議將使左右緣而得窺歷  
人緣而得進此非細過也今都給事中齊世臣  
等條陳前因荷

皇上嘉納

諭以有

旨會推

閣臣

臣等誠仰頌不暇然猶有不敢不畢

其說者夫

聖主之舉動不惟以為一時之美談而寔以垂百世

之永則臣等查得舊制

內閣

大學士吏兵尚

書及總督陝西宣大薊遼西廣重臣例會九卿

堂上官并科道掌印官推舉各部尚書侍郎

察院左右都御史副僉都御史通政使大理

各巡撫都御史西京祭酒例會九卿三品以上  
堂上官僉都御史推舉節經題

准載在令甲合無今後凡前項例應會推員缺望  
陛下一遵舊制下廷臣推舉而後斷自

宸鑒若所舉不足當

聖心下廷臣再三更推而不為煩倘所舉果協公望  
容廷臣再三執

請而不為忤則我

皇上法

聖裁  
祖官人之道真可垂之百世而無間矣伏候

二曰申職守之義  
考功司具稿不錄

三曰覈糾察之實  
考功司具稿不錄

四曰充臺諫之任

前件臣等看得臺諫者

朝廷耳目之官最為要職其任貴充其選貴慎  
貴慎故行取之人不可過多任貴充故行取之  
期不可過曠此其大較也夫夫部年滿不則有

一歲一取者有間歲三歲一取者所取各官之  
俸則有京官三年推官四年知縣四年八月者  
有通限四年以上者夫三歲一取則盈虛有不  
繼之候論俸懸絕則勞逸有不均之嫌似非通  
制今都給事中齊世臣等極陳一年一取之利  
及稱應取官無分內外齊以一例惟先其賢能  
最著者賢同先俸俸同先資資同先繁疲等因  
劑量詳確幾無遺議合無今後行取以歲一舉  
行為常而間有疏密則視一時之缺論俸京外

一例以四年而上為常而間有淺深則視一時  
之俸其查酌資俸程較繁簡大約如所擬施行  
要使其任常充其選常慎而已至於小小盈縮  
或非先期所能執擬容俟臨時議  
請伏候

聖裁

五曰慎督學之選

前件臣等看得督學之任非特以校士藝蓋有  
移風成教之寄焉責至重也



累朝以來如薛瑄以臺臣出邵寶以計郎任張悅  
調由僉憲何塘召自郡丞皆極天下之選厥後  
間采華藻而略實行甚且緣私交而廢公選師  
道之不競則不擇之繇已今都給事中齊世臣  
等條陳欲顯儲才禮曹以脩督學無非慎擇豫  
養之意相應酌議除加意遴補禮部司屬平時  
再加體訪及督學有缺量資擢授外倘一時禮  
曹之所儲不足周列省之所用容臣等旁求兩  
京各曹間及方面察其品格覈其年資不嫌於

文者勿用文矣行臨窳者勿用文行并矣年迫  
衰者勿用誠得其人不定泥其地以彼之所有  
濟此之所詘庶幾人既不寔法亦可常伏候  
聖裁

比例補廕疏

吏部考功清吏司署郎中事員外郎臣陳有年  
奏為比例乞

恩補廕以圖補報事臣父陳克宅浙江紹興府餘姚  
縣人由正德九年進士授直隸蘄州府嘉定縣

知縣選江西道監察御史歷陞都察院右副都御史總督糧儲巡撫應天等處地方遇蒙嘉靖十五年十一月初六日欽奉

詔書內一款兩京三品以上文官例該廕子在任未及三年考滿者俱准與一子入監讀書臣父係三品文官例應廕子咨部間臣父以先撫貴州征剿苗賊功次被論回籍聽勘前項

恩典吏部題奉

欽依待勘明給與欽此隨該貴州撫按官勘明題稱

臣父剿賊有功兵部覆

准復職臣父無祿先故該部題

賜祭葬給與應得

誥命時臣年甫垂髫臣長兄陳有勲請于臣母恭人

唐氏將臣奏

請錄廢吏部題奉

聖旨陳有年准送監讀書欽此臣續于嘉靖二十八年入監至三十一年叨中順天府鄉試四十一年叨中進士荐歷今官查得吏部見行事例凡

先由錄廕而後中科目者許補廕一人又查得  
工部右侍郎江曉廕子江圻後中進士補廕圻  
孫江世卿南京兵部右侍郎姜廷頤廕子姜性  
後中鄉試補廕性弟姜情俱蒙吏部覆

准訖竊念臣本先臣第三子也少因兄義上冒

皇恩未識遜避旋繳科甲向以臣兄有勲舉子遲暮  
前廕久未

請補今兄子陳啓孫年已二十四歲見充本縣儒  
學生負寔先臣嫡孫相應補廕事體與江世卿

姜情正同伏乞

聖恩勅下吏部查果與例相合將臣姪陳啓孫照例  
題

請補廕則不惟先臣得終沐

皇朝曠蕩之恩而臣等舉家感戴矢當隨分自効以  
圖補報於萬一矣臣無任懇切祈仰之至

議覆南贛巡撫張岳疏

吏部一本為薦舉地方人才并議考察大典以  
肅紀法事文選清吏司案呈奉本部送吏科抄

出南贛巡撫張岳題前事云等因奉

聖旨吏部知道欽此查得原任陝西右叅政王時槐  
原任福建僉事甘雨原任福建提學副使蔡國  
珍原任廣西布政鄭雲鑒俱係患病致仕原任  
浙江副使陳文煥兵部咨致仕原任江西副使  
林梓奉

欽依裁革暫回原籍候補及查叅政王時槐萬曆元  
年六月內該江西撫按徐栻等奏薦本部覆准  
起用副使蔡國珍陳文煥俱十一年七月內該

科道官周邦傑等奏薦奉

旨再加叅酌陸續叙用又查得萬曆十一年十一月  
內該河南道御史趙應元題為災異頻仍懇乞  
聖明精覈吏治以奠民生以弭天變事冊奉  
聖旨京官六年考察係

祖宗舊制近年不時舉行多有評核違者致罷欽此  
欽遵通查案呈到部看得南贛巡撫石金都御史張  
岳題薦原任叅政等官正時槐等及其年力可  
用速



賜銓補及稱大小臣工困抑於權奸之斥逐者不  
能悉數要行各省撫按脩查具奏并以後不係  
三六年考察不得妄開閏考之端各一節為照  
叅政王時槐副使陳文煥蔡國珍原奉  
欽依及

明旨起用且公薦已多副使林梓原奉

欽依改補且家居已久俱應及時起改左布政鄭雲  
鑒駁歷夙望未宜投閒僉事其兩才力尚堪似  
難輕棄合候

命下容臣等酌量叙錄至於非時閏考委非舊章徃緣權奸中傷異已及其他種種機弄陰錮顯逐縱未必悉皆碩士而無辜者寔繁近談科道奉旨會舉及各撫按復

命例薦蒐揚善類不為不多臣等業已陸續銓叙及通行查覈但窮若下邑撻擯或未必箇甲減乙否品隲或未易定或同廢而獨從沉抑莫為游揚或同罰而獨坐重科莫為昭雪如疏中所謂扼腕剝落者臣等亦不敢謂盡無其人合再通行

各省直撫按官脩細體訪務察罷謹所由并考  
其宦績叅以鄉評期得真才以副公論其實疏  
名奏

聞儻有陳列自媒夤緣干澤毋得徇情濫舉反滋倖  
門通候查奏到日本部再加詢察分別覆

請其京外官考察遵照

累朝令甲及近奉

明旨三六年正察之外並不得妄

請閏考永為定制伏乞

聖裁緣係云謹題請

旨

議覆右通政陳瓚疏

吏部一本為材劣不能供職懇乞

聖明特賜處分以全器使事本部送吏科抄出右  
通政陳瓚奏云等因奉

聖旨吏部知道欽此查得萬曆九年正月內准通政  
司咨呈膳黃右通政一員事務頗簡不必專官  
料理該本部題奉

欽依裁革十一年七月內本部為循職掌陳末議以

仰禪

聖治事行准通政司咨呈內閣膳黃事務繼隸兵部  
職掌右通政既經裁革無容別議等因查奉今  
該前因案呈到部看得通政司右通政陳瓚奏  
稱不能奏事乞

賜罷斥或容比照太常寺奏事不必長音或查復  
膳黃舊衙各一節除膳黃事務先經裁隸兵部  
官理右通政似難議復外為照通政叅議類由

考選俟積年勞通陞左右通政以故長於敷奏  
陳瓚原以公望起廢不由考選且計資已深叙  
遷不遠今以不能奏事自引求退蓋居是官思  
効是職之意但查通政職掌出納

帝命通達下情關防諸司出入移狀奏報四方臣民  
實封及軍情殷息災異不止一事故專言三  
朝之儀則敷奏為重統言當官之義則諸務非輕  
本官才雖有所偏拘職自有所當効似不必過  
自疑阻遷謀避跼以辜

明時召用之恩亦不必旁比太常致有互異以乖  
大廷聽睹之體合候

命下行令照舊供職免其奏事待本官陞遷之日前  
缺酌量另處再照通政古之納言

國家設官與部院並列責任不小體統本隆近來  
不明此義至自比鴻臚故通叅有缺當選也或  
薄而不赴左右通政有缺當補也或虛而不推  
殊非

國家設官初意臣等謂宜申明舊義以後通叅缺

照例考選左右通政缺即以資深通參補之如  
無其人間以相應卿寺方面補之由考選者照  
舊奏事其不由考選者不必強奏至賢勞已著  
查果事體練習即留掌司事而不為淹倘才品  
別堪即隨才陞任而不為過庶乎莫賢樂就不  
至以納言之重為冗秩矣統乞

聖裁

遵

旨議處

欽降官員事疏

吏部一本為遵



昔議處

欽降官負事文選司案呈萬曆十二年八月該本部題為缺官事奉

聖旨是內曾乾亨馮景隆黃道瞻謫官未久如何遽擬朦朧陞用都不准堂上官姑且不究該司郎中姑罰俸半年以後凡欽降官負遷轉着另本題請不許混推該部記着欽此欽遵查得原任南京工科給事中馮景隆萬曆十一年十月內為總鎮重臣冒功掩罪大肆欺罔等事

欽降薊州判官添註原任山東道御史曾乾亨十一

年十一月內為奸險大臣蔑視公論懇乞

聖明亟賜罷斥等事

欽降海州判官原任兵科給事中黃道瞻十一年十月內為兵政重寄懇乞

聖明酌處南北當事大臣等事

欽降江西永豐縣縣丞俱謫任將及年半又查得原任吏科給事中鄒元標十二年二月內為

國值非常災異懇乞

聖明嚴加脩省等事

欽降南京刑部照磨謫任已及一年均應議處呈乞傳  
旨具題案呈到部臣等竊惟

國家設給事中御史寄以言責言誠當固在所優  
嘉言誠不當亦未嘗終棄頃者我

皇上大啓言路弘獎直臣察先年鄒元標力詆故相  
杖戍瀕死

特召自遐荒授之諫職及遘簡曾乾亨馮景隆黃道  
瞻等並列臺垣以故元標慨然圖竭其忠耿以答  
殊恩而不自覺其言之過乾亨景隆道瞻亦以後先

言事未當

宸衷均荷

皇上不大譴僅從謫籍臣等竊窺

聖心有以知

皇上之不棄之也去年本部亟欲光昭

聖德而不思諸臣待罪之尚淺遽以乾亨景隆道瞻

三臣槩入推陞之列冒昧誠甚復荷

皇上不大譴且

諭之以力本申之以記著臣等伏讀

聖諭又有以知

皇上之不終棄之也自奉 旨迨今未敢再  
請以俟諸臣創艾之久而後敢徼

皇上在宥之澤又六閱月矣乾亨景隆道瞻謫幾年  
平元標亦已八期計諸臣俯而橫動忍之慮當日益  
深仰而繫 高厚之恩當日益切臣等輒敢遵奉  
明旨專題以 請如蒙 皇上特垂幸察

准賜量移恭候 命下容臣等查有相應員缺將  
卹元標曾乾亨馮景隆黃道瞻陸續酌議陞補

伏乞

聖裁

○議覆給事中楊廷相疏

吏部一本為因事納忠以儆

聖明採擇事文

選等司案呈抄出給事中楊廷相題前事等因奉

聖旨該部知道欽此查得內簾之官當擇額外之征

宜蠲二事係隸別部掌行其會推之意宜廣等

六事該本部議覆案呈到部看得給事中楊廷

相條陳六事均於國典吏治有所裨益臣等

合就開列前件議擬上請伏乞  
聖裁

一曰會推之意宜廣

前件謹按令甲凡會推大臣或例會九卿或  
例會九卿科道舊典具在屢經申明近該都給  
事中齊世臣題本部具覆以後大臣負缺導  
制廷推如未當聖心下廷臣再三更推而不為煩  
倘果協公望容廷臣再三執請而不為忤等  
因既荷

皇上賜允無容議矣但會推之日舊皆倡自本部謀  
之諸臣而譙讓之意或多異同之辨或少盈庭  
誰執勢則使然游致太公之典見謂無實今給  
事中楊廷相所陳欲人據所見僉議可否深得  
會推實意合無今後遇當會推本部舉所當用  
公相評隲所舉當即共明其是所舉不當即共  
指其非議論誠合不嫌雷同意見偶殊毋妨商  
確務求叅酌無間得當以請固不敢以衆所  
未定之說混淆宸衷亦不敢泥已所先入之



心致虛公舉蓋 國朝會推之制意本如此伏乞  
聖裁

一曰耆碩之任宜隆

前件世有碩士則世重 朝有碩臣則朝重頃  
皇上闢門求舊起田間位列卿者武相接也豈不稱  
隆遇哉然間有身乍出而起賢佞之疑帝未溫  
而懷去留之志觀者病焉今給事中楊廷相所  
陳欲慎用於始愛護於終并欲將旌書屢及畝  
畝終身者時賜存問或舉憲老乞言之典各一

節良亦有見大都人之為品以德重者宜于表  
率以才重者宜于經濟以節緊重者宜于激揚  
以雅操重者宜于坐鎮苟無可取不必用可也  
誠有可重不必苛小可也即今海內奢額苟不  
乏人日後遇當起用本部慎加品階務求人與  
位得以稱 明時簡召之典既用之後果有改  
節辱 命義不可留者無論已其或微瑕偏短  
務期保全以成 明時優禮之意又有雅稱苟  
德景薄桑榆食推國士志存林壑容本部酌議

題請加銜致仕用示崇獎蓋用不用異其為  
世重則一也至於存問乞言係干  
特典臣等未敢輕議伏乞

聖裁

一曰臺諫之選宜慎

前件國家設臺諫與百司異百司各專所職即  
稱否闕一事止耳臺諫無所不當與無所不得  
言其效能以片楮為國家輕重故其選特難  
近該吏科都給事中齊世臣題本部具覆於行

取疏密論俸淺深大略已具今給事中楊廷相  
所陳則慎選之說也至稱寧寬大無寧深文寧  
省約無寧誇張等語其於辨才良得其指矣臣  
等查得本部每當取選先酌其資俸之深者博  
訪之又從而覈之凡與取者必人所共賢者也  
迨其到部仍訪覈之又從而試之凡與選者必  
人所共賢且優者也然而人材難知豈敢以是  
為命中也哉且臣等之愚循有所慮者往歲柄臣  
惡直諫於是選悞者進其流至不知有公論患

者思一矯而求之激昂於是激昂者進其流或不能無煩言今患者又將一矯而求之長厚夫矯必過勢也顧天地之生材中行為難

國家之用人正氣當植臣等今茲所選欲以心術為主而以正直忠厚為的求其全而不可多得則雖氣節有所偏至而心術為屬端直亦在所取若其循常無過局促自將將取不與焉蓋所求以為國家輕重誠在此不在彼也伏乞

聖裁

一曰考課之典宜嚴

考功司具稿不錄

一曰撫按之責宜重

前件自古欲安民生必綜吏治今天下列省而置之吏勢不能一一周察若巡撫都御史巡按御史則

天子所畀之命而使馭吏者也小民之利病幽蹟下之郡國無所不承群吏之貞邪賢不肖上之朝廷無所不達其責誠至重也今給事中楊廷相所陳謂欲監司守令之稱職先重撫按實為識治

之論臣等查得巡撫缺必會九卿 廷推題  
請簡用巡按則由都察院歲差然其始必慎選而  
後得試為御史已復考試而後實授已復歷諸  
差而後為巡按今誠欲重巡撫莫重於其公舉  
則前所議會推宜廣者是已欲重巡按莫重於  
其始進則前所議臺選宜慎者是已若夫有妙  
木知名之望而填撫以鎮靜有山川動搖之色  
而發施以安詳撫按之體總不出此論官者固  
當執此以求人當任者亦當持此以蒞事庶乎

吏治畢振生民可安伏乞

聖裁

一曰朋黨之風宜革

前件朋黨之名治古無是也今

聖王建極於上大小臣工仰承休德於下宜無謝治  
古而給事中楊廷相所陳猶有以黨律人以黨  
疑人以黨自樹云者藉令有之其關係  
國體不細臣等竊謂故相私人其並緣亂政者業  
已譴斥幾盡而一時偶合無氏奸利者



聖主方與湔濯而輕重使之可亡論也至於在

廷諸臣本無所謂黨者特以始於異見成於勝心  
坐致此迹夫天下猶一家然受命於尊則兄弟  
子姓相親也猶一身然受命於心則耳目手足  
相用也且方故相在日舊臣有播棄而憂廊廟  
者矣百僚有獲罪瀕死不者且重足立矣頃幸  
際 聖明得展意列有懷諷忍自相背戾以  
傷 明時臣等矢當體一家一身之義倡為和  
德與諸舊臣毋忘其播棄而憂廊廟也與百寮

毋忘其濱死且重足立也相與一意奉公偕之  
大道則所謂黨云黨云者非惟不敢亦自不暇  
非惟不暇亦自不忍斯不亦 清朝盛治耶夫  
精神之泮渙非條教所約意氣之激發非禁令  
所制故臣等於此無能有所議擬而以是  
請亦或轉移人心之一說也伏乞

聖裁

○議覆兵科給事中張惟新疏

吏部一本為仰承 德意似用建言謫臣事

選清吏司案呈本月初五日該兵科給事中張  
惟新題節奉

聖旨鄒元標等始准分別叙用欽此初六日又該  
內閣傳奉 聖諭內操原有

祖制向緣扈從 南北郊及 皇陵恭祀以嚴內外  
之分殆無常操之理朕豈不知但教演稍知進  
退即已而言官不知妄引非論亦是職分之責  
姑都且不究今已停止卿等知之欽此隨該本  
部遵 旨將鄒元標等分別題奉

欽依叙用訖查得原任刑部主事董基年三十二歲  
山東萊州府掖縣人中萬曆八年進士十年十  
月除刑部廣西司主事十二年五月奉

旨姑着降二級調邊方用本月降萬全都司都事添  
註與鄒元標等同係建言謫降呈乞題

請叙用及查得南京禮部儀制司主事周汝礪養  
病回籍遺下負缺案呈到部看得原任主事董  
基原以建言謫降其一念忠悃與鄒元標寔同  
通者 皇上叙用言官停止內操不二日而西

命並下大小臣工無不驩呼忭舞傾頌

聖德臣等仰承 德意謂

陛下既已並叙諸臣必不忍獨遺一人既已終用基  
言必不忍終棄基身輒敢冒昧題

請欲將董基陞補南京禮部儀制司主事恭候  
命下本部給憑行令到任管事未敢擅便謹題請  
旨

。議覆浙江巡撫溫純疏

吏部一本為乞 賜議處佐貳首領官員以風

吏治事文選清吏司案呈奉本部送吏科抄出  
浙江巡撫溫純題前事奉

聖旨吏部知道欽此案呈到部看得浙江巡撫溫純  
題要將州縣佐貳三司府衛首領賢能著者不  
拘舉貢吏承照例舉薦果係多才之地增益其  
數不能盡舉者聽督撫與各差御史歲終或復  
命及地方緊要員缺具咨揭薦舉該部酌量本省相  
應員缺次第遷轉其各官舉後或有改節不得  
過責舉者各一節為照 國家用人本未嘗驟

例貢吏承而盡棄之也特以其人猥雜而卓鑒者少則勢日輕其勢既輕而風勵者微則流日下茲欲特廣薦舉就官地方寓久任於遷轉化苟且為圖報臣等即疏中所言揆以本部銓叙之體盖有三焉上之為疏薦所當於資格外超叙者其次為咨揭薦所當於資格內酌量優叙者其因地擇人為不時特薦所當隨時忝酌題請者之三者善而用之皆廣勵吏治之術也但簡瑣之職易於見長擬疏薦而不歷試其政績則

尋尺或混奔承之役易於取寵擬盜揭而不真  
見其才志則愛憎或徇淹蹶之度易於生疑擬  
特薦而不熟劑其資俸則銓補或窒相應通行  
議擬合無今後撫按巡官復

命各薦佐貳首領等官不拘貢舉吏承但賢能不凡  
者類得疏薦多不妨盡舉少不必強備其次聞  
具咨揭送部註冊俱要歷俸頗次奉職有狀或  
曾署何篆或曾承何委或備舉本等職事一一  
明註疏揭本部再行核議或前經叙或常例叙



陸續就近遷轉即於推陞本內明開曾經某官  
某官疏薦或密揭薦其地方緊要負缺查有就  
便堪用之人才地資俸相宜者聽撫按官酌議  
題請本部叅酌覆補至於飾善以徼舉得舉  
而改節尤當及時論劾毋使滋害如有徇私曲  
諱者事發責有所歸務使上有激勸之實而下  
亦無悅倖之圖其於吏治民生當有補矣恭候  
命下本部通行各省直一體遵照施行緣係云云謹  
題請 旨

○議覆主事鄒元標疏

吏部一本為久病深固調理罔功懇乞

聖明特賜休致以全臣節事考功清吏司案呈奉本部  
送吏科抄出南京刑部廣東清吏司添註署員  
外郎事主事鄒元標奏臣江西吉安府吉水縣  
人由萬曆五年進士積陞今官先年臣以考滿  
給由赴部臣偶感疾病曾控微忱願乞骸骨蒙  
陛下下臣疏吏部吏部有沿途調理之請蒙

陛下俞允臣得部檄自謂優游歲月何恙不愈不謂

去冬臣鄉偶發大風臣冒風疾誤投補劑遂致  
晝夜發熱幸投下劑月餘稍起又自謂方春和  
時或可入都以聽黜不謂今春天寒視冬尤甚  
臣冒寒遂中肺疾鼻塞嚴重衄血旬餘今雖稍  
愈然左耳眩鳴形枯髮槁臣審身相機自度非  
用世之器矣臣查得吏部職掌弘治四年題  
准凡自願告休官員不分年歲俱准致仕又嘉靖  
十年題准今後內外官員有疾願告致仕者  
聽臣謹以血誠上請伏乞

勅下吏部查臣別無違碍容臣以原職致仕如謂臣徒負浮名消滴無補願削臣職臣得與田夫野老詠歌太平皆

陛下之賜也臣聞犬猶戀主葵藿傾陽物固且然人獨無心臣受國家作養再生之恩掛名仕籍十有八年臣豈不欲從容遲回以圖竭盡駑力顧身膺沉痾之疾外覺從事之難臣心灰情冰萬不得已而有是請其所未報之國恩未酬之洪造祇自疇結以完夙悃而已臣干冒

天威曷勝屏營兢惕俟命之至等因奏奉

聖旨吏部知道欽此又該吏科抄叅看得南京刑部  
署員外郎鄒元標精忠貫日勁節凌霜

聖明早已賜環海宇仗為砥柱即嬰微病不妨靜攝  
何得因疾便爾乞休所據奏詞難以遽准抄出  
查行等因到部送司案呈到部看得南京刑部  
員外郎鄒元標奏稱久病深固調理罔功乞要  
休致一節為照本官始成進士以糾故相杖戍  
瀕死及

皇上甫親政即 鑒其忠敢而用之繼而稍示裁抑  
而玉成之砥濯郎署中積至今日去秋戌日十  
八年矣蒙 召用以來十二年矣即調南部亦  
已逾三年矣懲創日久蘊藉日深其感恩報國  
之念正當及時自效以畢致其忠即

皇上夙昔出諸九死而陶育一紀之上者亦當及時  
叙擢而畢收其用據疏乞休似難聽允且本官  
以考滿便道送母還籍即有微疴不妨從容調  
理合候 命下行會本官稍加調理待痊可赴

考臣等仰體 聖德欲遇有相應負缺酌量推  
用伏乞 聖裁緣係久病深固調理罔功懇乞  
天恩特賜休致以全臣節及奉 欽依吏部知道事  
理未敢擅便謹題請 旨

議覆工科給事中張棟疏

吏部一本為仰體 聖人愛民至意敬陳民生  
切要二端乞賜 宸斷大破常格以固邦本以  
回 天心事文選清吏司案呈奉本部送吏科  
抄出工科給事中張棟題前事奉

聖旨該部知道欽此查得盡蠲帶徵錢糧係隸戶部  
掌行所據慎用遷謫官吏該本部議覆案呈到  
部看得工科給事中張棟題稱考察論劾降調  
官負不得陞知府知縣一節為照守令賢否關  
民生利病最切原非可為量移遷謫之地本部  
聞嘗擬陞大都據有上者未嘗敢驟授之也今  
給事中張棟陳言及將職得慎用親民之意相  
應酌議合無今後考劾降調官負除罰非其罪  
自當優叙外其人本下中罪非星誤係調簡者



不得復擬調繁係降閒改教者不得輕擬陞縣  
遇當陞轉本部查其前過叅以後考或遞轉閒  
局或推陞府佐徐觀其後而別為之所其或先  
因筮仕未練以一青見摘當局偶艱以一事蒙  
罪倘能動忍增益力自脩豎累經薦舉者不拘  
此例庶於憐才愛民相須而不悖矣緣係云  
謹題請

旨